

**Sanjin Aldobašić**  
**član Radnog predsjedništva**  
**Gradskog vijeća Zenica**

**GRADSKO VIJEĆE ZENICA**  
**N/R: predsjedavajućoj Vijeća,**  
**gospođi Diani Bešić**

**PREDMET: Obavijest,**

Poštovana,

U vezi s Vašim dopisom od 13.02.2020. godine, upućenom gradonačelniku Grada Zenica, povodom prijedloga vijećnika u Gradskom vijeću Zenica za sazivanje hitne sjednice Vijeća, radi donošenja Odluke o privremenom finansiranju Grada Zenica, ovim putem u svojstvu predstavnika vijećnika koji su podnijeli navedeni prijedlog obavještavam Vas o sljedećem:

Od Vas kao predsjedavajuće Vijeća zahtjevamo da hitno u toku današnjeg dana odlučite po našem prijedlogu i da po istom ne rješavate zajedno sa prijedlogom za zakazivanje sjednice vijeća vijećnika SDA, A SDA i SBB-a, radi razmatranja Prijedloga Budžeta Grada Zenica za 2020. godinu, jer smo mi naš prijedlog za sazivanje hitne sjednice Vijeća podnijeli ranije i o istom ste shodno poslovničkim odredbama dužni postupiti nezavisno o drugom prijedlogu. Donošenje Odluke o privremenom finansiranju na hitnoj sjednici za petak, 14.02.2020. godine Vas ni u čemu ne sprječava da u odnosu na prijedlog vijećnika SDA, A SDA i SBB-a sačekate sa dostavljanjem prijedloga budžeta od strane ovlaštenog predlagača u razumnom roku, što također predstavlja razlog zbog kojeg se protivimo da postupanje po našem prijedlogu na bilo koji način uslovljavate sa udovoljavanjem traženja iz prijedloga druge grupe vijećnika.

U suprotnom, **ukoliko hitno ne odlučite po našem prijedlogu i ne sazovete sjednicu za petak, 14.02.2020. godine, kako smo to tražili i kako Vam je to Vaša poslovnička obaveza, ovim putem Vas obavještavam da ćemo istu sjednicu održati sutra u Velikoj sali Grada Zenica, sa početkom u 10,00 sati, o čemu ćemo obavijestiti i sve medije.**

Stoga Vam se u prilogu ove obavijesti, po saglasnosti gradonačelnika, dostavlja Prijedlog Odluke o privremenom finansiranju Grada Zenica, smatrajući da su time ispunjeni svi poslovnički uslovi za održavanje predmetne hitne sjednice i donošenja navedene odluke.

S poštovanjem,

U Zenici, 13.02.2020. godine

1x Naslov  
1x Gradonačelnik Grada Zenica  
1x svi vijećnici u Gradskom vijeću Zenica  
1x svi mediji

**Član Radnog predsjedništva**

**Sanjin Aldobašić**  
